

Monday, March 9, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

ASSEMBLY SPEAKER

Assembly Speaker Pu Lalbiakzama chuan House member-te chu House chungna awm dan mawi zawm tur leh House zahawmna tibawrhbang thei zawnga khawsa lo turin a chah.

Pu Lalbiakzama hian wawiin khan Assembly session-a zawhna leh chhanna hun intan hmain House member-te tan thuchah a puang a - Mizoram State Legislative Assembly chu state dangte Assembly House lakah ram rorelna nuam leh India ramah chuan tha filawrlak anga sawi a nih thin thu a sawi.

((BYTE - Assembly Speaker Pu Lalbiakzama))

House member-te chuan House chungna ram rorelnaah dikna chanvo an neih rualin, hei hian mawhphurhna (a keng tel tih erawh hriat a that thu Speaker chuan a sawi a, right an nei tih vanga an mawhphurhna theihngihl thaka House chuanga sapatal a rem loh mai bakah hetiangna chetna hi ram rorelna in leh ram mipui zah lohna lian tak a nih thu a sawi bawk.



SESSION-HOME MINISTER

Home minister Pu K Sapdangan Vairengte daia kudam hrang hrang atanga kuhva rah ro bo chu hmuhlet a la nih loh thu a sawi a; hemi avanga thubuai kal zelah erawh mi engemawzat man an ni a ti.

Wawiin session-a zawhna chhangin Home minister Pu K Sapdanga chuan, Vairengte daia kudam atanga kuhva ro bo chu bag 5,849 a nih thu leh police venhimna hnuai mi a nih loh thu a sawi a ni.

(Byte -)

Nikum January ni 1 atanga kumin February ni 28 chhungin Myanmar atanga tawlhruk kuhva rah bag 11,837 man a nih thu leh cheng vbc 24 man vel nia chhut a nih thu a sawi a; hemiah hian thubuai 468 ziahluh a nih thu leh mi 292 hman an nih thu a sawi.

Zawhna dang chhangin Home minister Pu K Sapdanga chuan nikum sept September ni 1 atanga wawiin thlengin Operation Jericho hnuai hloh cheng vbc 317 point 30 hu man a nih thu a sawi a; Operation Jericho avang hian khawchhak lam atanga Mizorama hloh luh khàn te chu a tlem tawh thu a sawirualin, Mizoram chhim lamah leh Manipur hnaih lamah hloh luhna khàn dang a awm thar nia sawi a nih avangin hengte hi an zirchian mek thu a sawi a, kumin March ni 31-a tawp tur Operation Jerico chu boruak awm dan thlir chungin kalpui chhonzawm a nih dawn leh dawn loh an la rel tur thu a sawi bawk.



SWAP & SAVE CAMPAIGN

UD & PA hnuiaia Swachh Bharat Mission buatsaih Swap and Save Campaign 2026 Sikul Bungraw Inthleng Runpui chu vawiin khan UD & PA Secretary Pu Lalmalsawma Pachuau chuan a hawng.

A hawna inkhawm-ah thusawiin Pu Lalmalsawma chuan Swap and Save Campaign hi nikum lam atanga bul tan a nih thu leh a hlawhtlin hle thu a sawi a, Swap and Save chu faina lama hmasawna -reuse-reduce-recycle,hnuiaia an hmalak a nih thu sawiin mi rethei zawk te tana chhawr tur a ni a, thil tha tih lam kawng anih avangin kristianna nen pawh a inzawm hle a ni a ti.

Byte-

He campaign hi Aizawl khawpui veng pariat (8) ah leh district headquarters tinah hawn a ni a. He Centre hi zirlai naupang session thar kai ten an zirlaibu hman tawh loh, uniform hman tawh loh te leh zirlai kaihhnawih an pekkhawm theih nan leh, a la hmang tangkai tur ten an hman nawn ve leh theih nana awlsam zawk leh a thlawn a an lak theihna tur hmun a ni.

Aizawlah chuan 3R Centre awmna hmun te hi

1. Govt. Multiutility Centre, Thakthing
2. AMC Plaza, Bawngkawn
3. Sanitation Site Office, Near Solomon's Cave, Tuikual
4. Dawrpui Middle School, Dawrpui
5. Local Council House, Vaivakawn
6. Local Council House, Durtlang North
7. Local Council House, ITI
8. Community Hall, Armed Veng South ah te a ni.

Sikul Bungraw Inthleng Runpui hi sikul bungraw hluihlawn tawh, bawlhhlawh chang mai tur in a hmang tangkai tur te hnen a thlen theih na tur kawng tha tak niin, bawlhhlawh tih tlem kawngah pawh a pui hle a ni.

